

翰苑英華中州集

二

蘇子卿

PDG

中州丙集第三

劉龍山仲尹

二十首

劉記室迎

十六首

許內翰安

二十六首

承旨党公

二十四首

黃華王庭筠

二十首

禮部趙開閑秉文

三十首

劉龍山仲尹

仲尹字致君蓋州人後遷沃州正隆二年進士以潞州節度副使召爲都水監承平致君家世豪侈而能折節讀書詩樂府俱有蘊藉有龍山集嘗於其外孫欽叔處見之叅涪翁而得法者也

墨梅

十首

瘦損昭陽鏡裏春漢家公主奉烏孫淚痕滴盡穹廬月誰道神香解返魂絕纓人醉燭花殘主意方濃未厭歡十五瓊兒梳洗薄琵琶才許近簾彈生憎施粉與施朱換骨玄都亦自姝踈影冷香題不到夢驚煙雨暗西湖趙郎愛香人不知羅浮山下有佳期春寒徹骨角聲起才記參橫月隨時君王鳳駕九龍池後輦傳呼召雪兒狼籍玉臺銀燭暗丁香小麝印宮眉鐘鼓沉沉度苑牆玉繩初直殿東廂荀妃早發雞鳴埭殘月微分燭下粧

衡州何處問花光
抹月批風只欠香
安得江南斷腸句
爲題風雨浣啼粧
高齋長娥蒲漢宮
君王圖王按春風
龍沙萬里王家女
不著黃金買畫工
古綃誰藏謝女真
天寒翠袖一招魂
江山嫁盡風流夢
雪蒲冰溪月掛村
妙畫工意不工俗
老子見畫只尋香
未應塗抹相欺得
政自不爲時世粧
自理

日日南軒學蠹魚
隱中獨愛隱於書
兒癡婦笑謀生拙
不道從來與世疎
西溪牡丹

爲雲爲雨定成虛
醉臉籠嬌試粉初
舉國春風避姚魏
換胎天質到黃徐
百年金谷憑欄袖
三月楊州載酒車
我欲禪居淨餘習
湖灘枕石看游魚
秋盡

利祿蝸涎壁年華
蟻夢槐秋隨庭樹
老寒逐鴈聲來養
性論三適分愁詠
七哀閉門人客少
書藉遶床堆

晚陰

歲滂饒秋雨雲寒
結暝陰晚芳留凍
蝶踈木立飢禽閑
覺交游減衰從老
病尋安眠恐微倖
底用說初心

冬日

刁騷短髮鑷還生鏡裏形骸只自驚睡枕食般翻歲月頭風股痺識陰晴
鳩棲任笑謀生拙免簡難忘照眼清不用煖爐公庫酒試容擁被聽雞聲
寒夜

漏聲穿竹夜霜清儘着功夫伴短檠睡足梅花半梢月虛徐老臯學香生
秋日東齋

一區寂寞子雲家便腹那能貯五車筋力只今如老鶴筆頭新愛縮秋虵
樹間風定葉漫徑籬外雨寒梅着花勝日一樽能笑客更須官鼓候晨樞
窻外梅蕾 三首

玉兒秀穉雲幄藏臯觀已覺鉶水香過眼空花均一寓十分春色屬秋堂
細蕾初看柳麥肥春風得得遶窻扉道人方作玉溪夢石塢竹橋風雪飛
初秋夜涼

小蟲機杼月西廂風雨纔分半枕涼白髮自踈河漢夢一瓶秋水玉簪香
謝孔遵席後堂畫山水圖 後堂號秀隱君

家在龍沙弱水東竭來塵世笑春風都將天外蓬壺景漏作人間畫手工

玉腕雪迴犀管細寶煤香散鳳綃空只應大地山河影常記飛鸞下月中

別墅二首

墻根雨大土花碧秋筍寒添一兩莖愛買僻書人笑古痛憎俗事自知清
黃花催織鈿鈿出白髮欺人故故生饘粥年來吾稍具厭隨鞍馬逐浮名
風雨驅寒入弊裘閑齋氣味冷颼颼年華過眼驚飛鳥利祿催人窘督郵
竈下旋添溫坑火床頭剩買讀書油可人誰似黃夫子着意裁詩寄四休

龍德宮

碧拱朱甍面面開翠雲稠疊鎖崔嵬連昌庭檻渾栽竹罨畫溪山半是梅
藻井香銷塵化網銅欄秋澁雨留苔只應千古華清月狼籍春風颺露臺

餘蔭
酉酉

相看絕是好交友着眼江梅季孟中海窟笙簫來鶴背月林冰雪繞春風
蒲前玉蕊名尤重特地梨花夢不同安得涪翁香一瓣種成聊供小南豐

夏日

床頭書冊聚麻沙病起經旬不煮茶更爲炎蒸設方略細烹山蜜破松花
不出

好詩讀罷倚團蒲唧唧銅鉶沸地爐天氣稍寒吾不出翟瑜分坐與狸奴

一室

老來湖海媿陳登只有頭顱未是僧坐對黃昏鐘鼓定竹根吹火上吟燈
欽叔所傳少時豪氣愛陳登老去真成有髮僧

劉記室迎

迎字無黨東萊人初以廕試部掾大定十三年用薦書對策爲當時第一
明年登進士弟除幽王府記室改太子司經顯宗特親重之二十年從駕
涼陁以疾卒章宗即位錄舊學之勞賜其子國樞進士弟無黨自號無諍
居士有詩文樂府號山林長語詔國學刊行

淮安行

淮安城壁空樓櫓風雨半摧雞糞土傳聞兵火數年前西觀竹間藏乳虎
迄今井邑猶荒涼居民生計惟推場馬軍步軍自來往南客北客相經商
近來戶口雖增出主戶中閒十無一里閭風俗樂過從學得南人煮茶喫
青衫從事今白頭一官乃得西南陬宦游未免簡書畏歸去更懷門戶憂
世緣老矣百不好落筆尚能哦楚調從今買酒樂昇平爛醉歌呼客神廟

修城行

淮安城郭真虛設，父老年前向予說。築時但用雞糞土，風雨即摧乾更裂。祇今高低如堵牆，舉頭四野青茫茫。不知地勢實衝要，東連鄂渚西襄陽。誰能一勞謀永逸，四壁依前護塼石。免令三歲二歲間，費盡千人萬人力。

唐州後竟用此策也

河防行

南州一雨六十日，所至川源皆泛溢。黃河適及秋水時，夜來決破陳河堤。河神憑陵雨師借，晚未及晴昏復下。傳聞一百五十村，蕩盡田園及廬舍。我聞禹時播河爲九河，一河旣滿還之他。川平地迥勢隨弱，安流是以無驚波。祇今茫茫餘故迹，未易區區議疏闢。三山橋壞勢益南，所過泥沙若山積。大梁今世爲陪京，財賦百萬資甲兵。高談泥古不須爾，且要築堤三百里。鄭爲頭，汴爲尾。淮脩他時漲河水。

普照旃檀像舊物也，方丈老人比以見還作詩謝之。

我昔游京師，稽首禮瑞像。堂堂紫金身，示現大法藏。裝嚴七寶几，重疊九霞帳。光如百千日，光耀不容望。想初法王子，運力攝諸匠。環材發神祕，

妙斲出智創風流蜀居士翰墨老彌壯雷霆大地底音樂諸天上猶疑三
十二不具林凡音相不知一點真正勝千語浪嗚呼五因緣語綺反成謗我今
獨何幸相見問無恙文殊本無二何處覓真妄庶修香火供獲脫煩惱障
天龍想驚喜訶衛日歸向已覺海潮音人天會方丈

梁忠信平遠山水

憶昔西游大梁苑玉堂門閉花陰晚壁間曾見郭熙畫江南秋山小平遠
別來南北今十年塵埃極目不見山烏靴席帽動千里慣馬蹄車轍間
明窻短幅來何處亂點依稀澹寒具煥然神明頓還我似向白玉堂中住
濛濛煙靄樹老蒼上方樓閣山夕陽一千頃碧照秋色三十六峯凝曉光
懸崖高居誰氏宅縹緲危欄葦青樾定知枕石高卧人常笑騎驢遠遊客
當時畫史安定梁想見泉石成膏肓獨將妙意寄毫楮我愧雨立隨諸郎
此行真成幾州錯區區世路風波惡還家特作發願文伴我山中老猿鶴
連日雪惡用聚星堂雪詩韻

朔風朝來放雲葉紛紛吹落龍沙雪山河大地同一如變化湏臾亦奇絕
參天松頂老猶強搶地竹頭低欲折亂飄書帙愛窻明狂入地爐驚火滅

重衾方擁膚尚栗凍筆將書肘先掣未容裹白點鬚華只許醉紅生面頰
何人清唱墮梁塵有客高吟霏鋸屑昔賢句法今尚在斷臂阿誰心地噤
後生曠世安敢望故事歷劫徒能說是中聖處公會無一粒靈丹工點鐵
徐夢弼以詩求蘆菹輒次來韻

昔聞趙州老老大猶泛愛說法利人天機緣不勝在當年鎮府話蓋以小
喻大具眼領略之於茲豈無待嗚呼後來者見趣遠不逮又聞東坡公謫
居飽鮭菜暮年海南住几席溪山對自饌一杯羹老狂猶故態最喜霜露
秋味出雞豚外乃知作詩本口腹不無賴風流二大士妙處無向背在家
與出家相投若針芥先生今復然秀句筆端快誰云修法供遊戲出狼狽
一飽待明年桑麻歌佩服

再次前韻

神農嘗草木濟世以仁愛根源列郡出品目成書載中云菜菔根試驗頗
爲大昌谷嘔時須文園渴嘗待食異地黃并効與蕪菁逮豈惟齒衆藥政
自冠諸菜五州風土宜罽布畦隴對墾鋤盡衆力封培窮百態翠角春雨
中黃花晚煙外日送盤筯資歲給餅鑿賴片玉出頭顱層冰起膚皆脆美

掩蓴葵甘辛敵薑芥物生貴有用對此一何快儲貯得沉涵弃遺免狼狽
但足齊人食何慚楚臣佩

鰓魚

君不見二牢山下獅子峯海波萬里家魚龍金鷄一唱火輪出曉色下瞰
扶桑宮榭林葉老霜風急雪浪如山半空立貝闕軒騰水伯居瓊瑰噴薄
鮫人泣長鑱白柄光芒寒一葦去橫煙霧閒峯巒百疊破螺甲宮室四面
開螺山碎身粉骨成何事口晦之珎乃吾崇郡曹受賞雖一言國史收痴豈
非罪筠藍二千里來百金一笑收美材色新欲透瑪瑙盤味勝可浥葡萄
醅飲客醉頰浮春紅金盤旋覺放箸空齒牙寒光澈明月宵臆秀氣噴長
虹平生浪說江瑤柱大嚼從今不論數我老安能汗漫遊買舡欲訪漁郎去

樓前曲

樓前山色秋橫碧樓下水光秋漫白眼看對此千里愁樓下長歌古離別
蕭蕭郎馬何時歸鴈奴去作斜行飛灞橋過客夕陽遠渭城行人朝雨微
玉凄花冷令人瘦日暮倚樓雙翠袖蕙炷猶殘鸚鵡香翅塵半著鴛鴦繡
五雲飛過芙蓉城洞天冷落雲間笙妾身有願化春草伴君長亭仍短亭

題十眉圖

寶箱拂鹿金鋸鉞周昉丹青見真筆春風曾憶賦妖嬈人共畫圖成十一
燭奴香底花光凝錚錚鐵響聞三更車聲雷動不通語眼態波橫空送情
蠻雲盤鶴遼天闊犀王依依對書札人生何處不相逢還醉武陵溪上月
雲中君圖

衣若新沐蘭湯薰靈巫拜舞方迎神恍然相見帝者服九歌昔詠雲中君
畫史亦可人妙入造化域羽衣玉塵美且閑此意不知何處得空明倏忽
紛溟濛胡爲眷眷臨壽宮飄然來下復遠舉想像決去隨飛龍祠空人散
秋蕭瑟落日猿聲喚秋色湘天極目青茫茫憑高一望無南北

楚山清曉圖

山娟娟江茫茫綠山林木老已蒼牙林細路縈羊腸汀洲人家蘭杜香兩
山秀出江中央宛如雙劍未鋒鏖層巒架空化寶坊塔波突兀一氣傍雞
聲喔喔林鳥翔顧瞻曙色開東方清風宿霧方蒼涼堦羅綿網淡平野
紫磨金餅暎浮桑櫓聲才動欲離岸鍾韻已殘猶殷床當年有米維楚狂
生子亦復肖阿章想從乃翁住朝陽收拾山綠餐湖光膝前翰墨觀淋浪

此圖戲出遂擅場彼衆史者何敢當不然安得牙籤犀軸古錦囊賞覽
一朝蒙古皇

題劉德文戲綵堂

郵傳文書日傍午過眼不容留頃許先生遣使談笑閒退食歸來奉慈母
吾不愛錦衣榮歸誇梓里吾不愛繡袞徒步登槐府傳家所愛作寧馨入
室不愁無阿賭堂中怡愉奉顏色堂下嬉戲同兒女十分壽年泛醅酎五
色綵衣紛雜組映堦萱草弄春色循陔蘭葉榮朝雨先生蘊藉古人似早
歲聲名天尺五拘縻豈合坐冗曹獻納直宜趨禁所更書屈指今幾日竚
看褒詔傳天語龍光歆艷動庭闈湯沐疏封分郡土芝封鈿軸爛雲錦羽
衣寶帔輝金縷形容何止入畫圖歌詠亦須流樂譜區區賤子獨何幸晚
喜宗盟同鼻祖他年一笑約升堂萬石尊前拜嚴姥

送劉德正

騏驎蟻垤空莫干犀革斷人材必超軼物理乃融泮先生廊廟具冰雪自
前盟十年處繁劇風力濟詳練堂堂八面敵了了一笑粲雲中國西邑食
貨資輓轉中臺輟之去正倚咄嗟辦從容九年蓄坐想出鞭筭向來塩鐵

使緒業著家傳春朝觀上計廣廈奉間燕行矣需詔除鷄行聳榮觀

盤山招隱圖

溪山不難買所費千金儲不如數峯雲朝昏對吾廬交游豈無人轉盼傷
離居不如吾兄弟相應如笙竽左侯薊名族溫溫器璫璵身雖市朝寄心
與功名疎伯也亦可人文華炳於菟風神聳魁偉襟韻含冲虛平生一片
心緣塵不關渠相期有幽事歲晚山林俱綵服照黃冠歡呼奉親輿大婦
侍巾帨中婦供庖厨諸孫戲膝前翩然鳳將雛朝采南澗芹暮漉西溪魚
煙霞入杖屨風月來窓䟽觀竹上巢雲禮佛登香爐紅龍雪浪湧白塔蒼
煙孤冰絃寫天籟茶甌泛雲腴使哉天下樂俯仰餘何須正恐老太冲招
隱昔所無

寄題禹城孫氏茂德亭

濟南孫夫子養素抱絕識家有五畝園種樹如種德枝葉深覆護根本飽
封殖要令方寸地不著荆與棘流芳被鄰里餘蔭連阡陌居然物隨化草
木盡佳色河陽藝桃李壽張蒔梓深至今青史上相望如黑白乃知百年
用賴此一日積君今尚隱約白首勤艱闢人心亦天理否泰有終極會得

東風來吹春滿花國

郭熙秋山平遠用東坡韻

槐花忙過舉子閑舊將憶在夷門山玉堂曾見郭熙畫拂拭縑素塵埃間
楚天極目江天遠楓林渡頭秋思晚煙中一葉認扁舟雨外數峯橫翠巘
淮安客宦踰三霜雲夢澤連襄漢陽平生獨不見寫本慣飲山綠食湖光
老來思歸真日日夢想林泉對華髮丹青安得此一流畫我橫筇水中石
南口

危峯張屏幃峻壁開戶牖崩騰來陣馬翔舞下靈鷲鳥秀色紛後前晴嵐迷
左右重陰忽障翳虛籟競呼吼深迂受風日高兀捫星斗帝居望北闕村
落當南口軍都漢時縣遺跡奄存否中郎讀書處遺構想摧朽誰云用武
地經訓乃淵藪我家膠東湄樸學歎白首居鄰通德里況此見師友慙無
書帶草采采爲盈手何以醉先生清溪綠如酒

晚到八達嶺下達旦乃上

車馬兩山間上下數百里縈紆來不斷奕奕似流水鯨形曲腰旂蛇勢長
首尾我車從其間搖兀如病齒推前挽復後進寸退還咫尺心固安分尚

氣或被指徐趨自循轍蹕進應覆軌行行非我令柅亦豈吾使倦僕困號
哮疲牛苦鞭箠紈如五更鼓相慶得戾止歸來幸無恙喘汗正如洗何以
慰此勞村醅正浮蟻

出八達嶺

山險略已出彌望盡荒坡風土日已殊氣象微沙陀我老倦行役驅車此
經過時節春已夏土寒地無禾行路不肯留奈此居人何作詩無佳語以
代勞者歌

隰川

隰川來西州數郡被其利刺陵放而南奔駛不可制茲焉幸不幸長策未
容議且復觀其瀾雄豪快人意

上谷

磨笄從崑然來隰水洶而去山川俯城郭藩翰重畿輔桑麻數百里煙火幾
萬戶長橋龍偃蹇飛閣鳳騰翥傳聞山西地出入此其路源源百代具積井
井三壤賦葡萄秋倒架芍藥春滿樹盤躡多布韋嬋娟半娥素永懷小靖
節厚德皆忠恕至今受一廛如昔歌五袴傷心隔生死知已今有數歸日

當驅車生芻莫其墓

蔡有鄰碑

我爲山西行叱馭過近縣傳聞蔡有鄰石刻古今冠風流書以來妙絕隸之
變銀鉤鸞鳳舞鐵畫蛟龍纏憑誰致墨本故舊詫珍獻正恐賦分薄一夕
碎雷電平生六一老集古藏千卷惜此方殊鄰公平未之見

車輾輾

馬虺隤牛轂棘山行縈紆車輾輾路傍指點是官人老矣一翁雙鬢禿汝
牛幸可耕汝馬幸可騎有此可載琴書歸胡爲奔走東西道白髮才騷被笑
沙漫漫

沙漫漫草班班南山北山相對看我行乃在山之間行人仰不見飛鳥樹
木足知邊塞少沙漫漫草班班我行欲赴西風還僕夫汝莫愁衣單我但
着衣思汝寒

摧車行

渾河洶湧從西來黃流正觸山之崖山崖路窄僅容過小誤往往車輪摧
車摧料理動半日後人欲過何艱澁深山日暮人已稀食物有錢無處覓

何時真宰遣六丁鑪此疊嶂如掌平
幢幢車馬山西路萬古行人易來去
敗車行

前車行後車逐車聲夜隨山詰曲前車失手落高崖車輪直下聲如雷同
行急救救不得人牛翻壓鳴聲哀我時潛聞後車說前車使牛何太拙只
知拍手笑前人不道後來當改轍前途猶有坡陀在後車當以前車戒
數日冗甚懷抱作惡作詩自遣

生涯吾亦愛五岳踏地從來出賦租曾次有懷空硯磊人閒無處不崎嶇
扶搖安得三千里應見真成百億軀直欲棄家參學去一龕香火供齋盂
寄題安崑起官舍北溟

一軒高占鳳麟洲要作人閒汗漫遊海國風煙自朝暮洞天日月幾春秋
夢魂欲拂三花樹活計聊隨一葉舟待我丹成訪君去閨風佳處卜菟裘
莫州道中

風林葉葉墮霜紅天末晴容一鏡空野曠微聞鳥鳥樂草寒時見馬牛風
人生險阻艱難裏世事悲歌感槩中白髮嬾親倚門處夢魂千里付歸鴻
上施內翰